

Srce ima vrela dva

Srce ima vrela dva:
veselja i kahara.
Pa kad jedno provrije
drugog k'o da i nije. /2x

Ref:

***Allah...Allah, Allah, ya Allah,
Tvoje tajne ko da zna?
Allah, Allah, ya Allah,
kod Tebe je svaki kraj.***

Ispod vrela serbeta
nađem gorkog lezzeta,
a vrelo od čemera
sva veselja otjera. /2x

Ref:

Allah...Allah, Allah, ya Allah...

Kako da ne plačem ja
zbog svojijeh halova?
Kako plakat' Zuhdijo,
u ni'metu bezbrojnom? /2x

Ref:

Allah... Allah, Allah, ya Allah...

Čim se lice nasmije
u zelenog sufije,
o kaburu se javi
mis'o s koje pomavi. /2x

Ref:

Allah...Allah, Allah, ya Allah..